

आकाशवाणी

- मद्रास होई कोर्ट नै तमिलनाडू दे तिरूपराकुंद्रम मंदर च दीपथून पर दिआ बालने ते रोशनी करने दी इजाजत देने आहले एकल जज दे हुक्म गी बरकरार रक्खेआ।
- बंगलादेश दे नर सिगडी शहर च हमलावरें आसेआ इक होर हिंदू माहनू दी हत्या करी दिती गई।
- शिक्षा मंत्री धर्मेन्द्र प्रधान होरें अज्ज 55 दुलर्भ ते कीमती साहित्यक रचनाएं गी जारी कीता, जेडियां देसा दी 5 शास्त्रीय भाशाएं दी अगुवाई करदिआं न।
- सी.बी.एस.ई नै इम्तेयानें कन्नै सरबंधत तनाऽ गी दूर करने लेई 10मीं ते 12मीं जमात दे विद्यार्थिं आस्तै मनो सामाजिक परामर्श समर्थन शुरू कीता ऐ।
- घने कोहरे करी देसा दे केई हिस्सें च रेल सेवाएं च अडचन, दिल्ली आधारित 70 रेल गड्डियां दूरदर्शिता घट्ट होने करी चिरे चला'रदिआं न।
- ते मलेशिया ओपन बैडमिंटन च लक्ष्य सेन अज्ज मर्दे दे एकल मुकाबले दे दुए दौर च अगगे पुज्जी गे न।

<><><><><><>

Deepathon

मद्रास होई कोर्ट दी मदुरै डिविजन बेंच नै अज्ज इक गै जज दे आर्डर गी बरकरार रक्खेआ ऐ जेदे च तिरूपपरकुंद्रम प्हाड़ी पर दीपाथून दे तौर पर दावा कीते गेदे दियें गी बालने दी खुल्ल दिती गई ऐ। जस्टिस जी. जयचंद्रन ते के.के. रामकृष्णन दी इक डिविजन बेंच नै फैसला दिता ते स्पष्ट कीता जे जिस थाहै पर पत्थर दा थम्म दीपाथून ऐ ओहू भगवान सुब्रहमण्यम स्वामी मंदर दा ऐ। पीठ नै आखेआ ऐ जे भारत दे पुरातत्व सर्वेक्षण कन्नै सलाह सूत्र करियै दीआ बालेआ जाई सकदा ऐ ते इजाजत दिती जेदे च लोकें दी गिनतरी बी तय कीती जाई सकदी ऐ। हिंदू मुन्नाबी दे वकील ते याचिकाकर्ता निरंजन एस. कुमार होरें आखेआ ऐ जे डिविजन बेंच नै आखेआ ऐ जे दीआ बालना जरूरी ऐ, एहू बवस्था सरबंधत प्हाड़ी दी चोटी पर होनी लोडचदी। मद्रास हाई कोर्ट दी मदुरै बेंच नै इस थमां पैहले बी प्हाड़ी दी चोटी पर बने दे मंदर च ज्योत प्रज्जवलित करने दा निर्देश दिता हा।

<><><><><><>

Bangladesh Hindu Murdered

बांगलादेश दे नरसिंडी शहरा च करयाने दी हटरी दुकान दा मालिक जेदी उम्र 40 बरे ही ते हिंदू समाज कन्नै ताल्लुक रक्खदा हा। अज्ञात हमलावरें उसी तेज हथियार कन्नै मारी दिता ऐ। नस सिगडी जिले च करयाने दे बपारी मोनी चक्रवार्ती दी हत्या दे बाद पूरे बंगलादेश च डर ते गुस्से बधी गेआ ऐ। उंदी मौत पिछले हफ्ते च हिंदू समुदाय दे लोकें दी हत्याएं दी चिंताजनक सिलसिले दे मद्देनजर होई ऐ। मोनी दी हत्या थोड़े समें च इस चाल्ली दा चौथा मामला ऐ जेदे चलदे बंगलादेश च जनसुरक्षा अल्पसंख्यकें दी सुरक्षा ते कनून बवस्था दी स्थिति बारै गंभीर चिंता पैदा होई गई ऐ।



PM HPCL

प्रधानमंत्री नरेंद्र मोदी होंरें आंध्र प्रदेश दी विशाख रिफाईनरी च हिंदुस्तान पेट्रोलियम कार्पोरेशन लिमिटेड सरबन्धी गतिविधियें च सुधार आहनने ते एहदे कामयाबी कन्नै शुरू होने लेई सराहना कीती ऐ। पेट्रोलियम ते कुदरती गैस मंत्री हरदीप सिंह पुरी हुंदी सोशल मीडिया पोस्ट गी सांझा करदे होई प्रधानमंत्री होंरें आखेआ जे एह मती आधुनिक सुविधा, आतमनिर्भर भारत दे दृष्टिकोण कन्नै तालमेल बनाई रखदे होई उर्जा आजादी गी बढ़ावा देने दे राष्ट्र दे जत्तें गी रफ्तार दिंदी ऐ।



ECI-DG Bengal

चुनांस आयोग नै पच्छिम बंगाल दे पुलस डरैक्टर जनरल राजीव कुमार होंरें गी हुक्म दिता ऐ जे ओह अज्ज संझा इक व्यापक तौर पर कीती गेदी कार्रवाई सरबन्धी इक रिपोर्ट यानि एक्शन टेकन रिपोर्ट पेश करन जेडी पिछले महीने दी 30 तरीक गी चुनांस पर्यवेक्षक सी. मुरुगन हुंदे पर कथित तौर पर कीते गेदे हमले दे बारें च ऐ। एह घअना उस्सलै पेश आई जिसलै दक्खन 24 परगना जिलें लेई चुनांस सरबन्धी गतिविधिं लेई पर्यवेक्षक दे तौरा पर कम्म करा करदे मुरुगन होर खास संशोधन दी नजरसानी लेई लोकें बश्कार दौरे पर हे। इस दरान उंदी गड्डी गी नुकसान पुज्जा ते मगराहट च उनेंगी बरोध प्रदर्शन ते केई रूकावटें दा सामना करना पेआ।



Pradhan Literary Works

शिक्षा मंत्री धर्मेन्द्र प्रधान होंरें अज्ज देसै दी 5एं शास्त्रीय भाशाएं दा अगुवाई करने आहली 55 दुलर्भ ते कीमती साहित्यिक रचनाएं गी जारी कीता। एह तमिल, तेलगू, मलयालम, कन्नड ते ओडिशा ना। एह कताबां केंद्री भारती भाशाएं दे संस्थानं आसेआ प्रकाशित कीतिआं गेदियां ना। नमीं दिल्ली च पत्रकारें कन्नै गल्लबात करदे होई मंत्री होंरें आखेआ जे भारत दी भाशा राष्ट्र ते समाज गी जोड़दियां न ते इकजुट करदियां ना। उनें आखेआ जे प्रधानमंत्री नरेंद्र मोदी होंरें इस गल्लै पर जोर दिता जे सब्बै भारती भाशां राष्ट्री भाशां ना। मंत्री होंरें इस गल्लै गी बी उजागर कीता जेपिछले बरे सरकार नै 5 होर भारती भाशाएं गी उंदी प्राचीन मूल कारण, शास्त्री भाशाएं दे तौर पर मान्यता दिती ही। एह भाशा न मराठी, तेलगू, बंगाली, असमिया, पाली ते प्राकृति।



Goyal-CSIR

उद्योग ते व्योपार मंत्री पीयूष गोयल होंरें नमी दिल्ली च पोषण सुरक्षा ते कुपोषण निवारण च कॉर्पोरेट सामाजिक जिम्मेदारी दी भूमिका पर आयोजित सम्मेलन दा उद्घाटन कीता। श्री गोयल होंरें आखेआ जे गर्भावस्था दौरान उचित पोषण यकीनी करिए कुपोषण रोकेआ जाई सकदा ऐ। उने कुपोषण गी असरदार ढंगै कन्नै घट्ट करने आस्तै इसदे मूल कारणें गी दूर करने दी जरूरता पर जोर पाया। गोयल होंरें आखेआ जे नरेंद्र मोदी सरकार समग्र सरकारी दृष्टिकोण कन्नै कम्म करा र दी ऐ। ते कॉर्पोरेट सामाजिक जिम्मेदारी पैहले बी कुपोषण उन्मूलन च महत्वपूर्ण भूमिका निभाई सकदी

ऐ।सम्मेलन च छत्तीसगढ़ स्थित एसएआईएल-भिलाई इस्पात संयंत्र दी कॉर्पोरेट सामाजिक दायित्व पैहल दे तैहत गिफ्टमिल्क कार्यक्रम दे त्रिए चरण दी शुरुआत कीती गई। इस पैहल तैहत, भिलाई स्टील प्लांट दे खनन क्षेत्रें च स्थित सरकारी स्कूलें च पढ़ने आहले लगभग चार हजार बच्चें गी लाह हासिल होगा।

<><><><><><>

Yoghi G Ram G

उत्तर प्रदेश दे मुख्मन्त्री योगी आदित्यनाथ होरें आखेआ ऐ जे विकसित भारत - जी राम जी अधिनियम, 2025 देश दे ग्रामीण विकास परिदृश्य च इक महत्वपूर्ण उपलब्धि साबित होग ते एह इक विकसित भारत दी नीहू रक्खोग। लखनऊ दे लोक भवन च ब'रे दी पैहली मंत्रिमंडल बैठक दे बाद योगी आदित्यनाथ होरें केंद्र सरकार दे इस फैसले दी प्रशंसा करदे होई आखेआ जे एह इक महत्वपूर्ण अधिनियम ऐ। एहदे नै पारदर्शी प्रक्रिया सुनिश्चित करने, रोजगार दे मौके पैदा करने, गरंटी प्रदान करने ते ग्राएं आहले इलाकें च स्थायी संपत्ति दा निर्माण करने च सखाल होगा। एहदे नै ग्रामीण बुनियादी ढांचे च सुधार बी होगा। पिछली मनरेगा योजना च व्याप्त भ्रष्टाचार बारै योगी आदित्यनाथ होरें गलाया जे एह नमा कनून महत्वपूर्ण ऐ। उनें आखेआ जे मनरेगा च कई सारियां कमियां हियां। योगी आदित्यनाथ होरें आखेआ जे नमें अधिनियम चं रोजगार सृजन ते समे पर भुगतान दी मेद ऐ। उन्होने आखेआ जे नमीं योजना च रोजगार गरंटी 100 दिं थमां बढियै 125 दिन करी दिती गई ऐ। एहदे नै वेतन साप्ताहिक तौरा पर दित्ता जाहगा।

<><><><><><>

Ukraine Allies

युक्रेन दे सहयोगी मुख्म अज्ज पेरिस च मुख्म गल्लबात लेई बैठक करा'रदे न जेदे कन्नै रूस कन्नै संभावित युद्ध विराम दे मगरा मुख्म गी सुरक्षा तय करने च मदद थहोई सकदी ऐ। हालांकि ट्रम्प प्रशासन दा ध्यान वेनेजुएला पर जाने दे चलदे एहदे च अगगे बढने दी मेद जक्को-तक्की आहली गै ऐ। वेनेजुएला दे नेता निकोलस मादुरो गी अपनी गिरफ्त च लैने कोला पैहले अमरीका नै फ्रांस दे राष्ट्रपति इमैनुअल मैक्रोब होरें इच्छुक मुख्म दे तथाकथित गठबंधन दे किट्टे होने दी मेद कीती ही। मैक्रोन हुंदे दफ्तरै मुजब इस बैठक च कोई 35 प्रतिभागी शिरकत करंगन जिंदे च राज्य ते सरकार दे 27 प्रमुख शामिल होंगन।

<><><><><><>

Israel-Air Strike

इस्राइल दी वायुसेना नै कल ते अज्ज बडलै दक्खण ते पूर्वी लेबनान च हमले कीते। अज्ज बडलै होए दे इक हमले च लेबनान दे सिडोन च इक 3 मंजिला इमारत तवाह होई गई। लेबनान दे राष्ट्रपति जोसेफ औन होरें इने हमलें दी निन्देआ कीती ऐ। इस्राइल दी सेना नै आखेआ ऐ जे उने हिजबुल्लाह ते हमास दे आतंकियें दे हथियार भंडारण आहली थाहरें ते बुनियादी ढांचे गी निशाना बनाया। एह हमले इक बरे सोयां मते चिर पैहले होए दे युद्धविराम समझौते दे मगरा इस्राइल दी एह नमीं कार्रवाई ऐ। इस युद्धविराम समझौते च लेबनान आस्सेआ आतंकवादी समूहें गी निरस्त्र करने दा वायदा शामिल हा। इस्राइल नै आखेआ ऐ जे लेबनान नै अपना वायदा पूरा नेई कीता ऐ।



CBSE Psycho Social Counselling

केंद्री माध्यमिक शिक्षा बोर्ड सी.बी.एस.ई नै अज्ज परीक्षा सरबंधी तनाऽ कन्नै निब्वडने आस्तै विद्यार्थियें आस्तै Phycho social counselling सेवा शुरू कीती ऐ। 10मीं ते 12मीं जमात दे विद्यार्थियें आस्तै मुफ्त इस सेवा दा पैहला चरण इस बरे दा पैहली जून तगर जारी रौहगा। इस पैहलकदमी दा मकसद परीक्षा कन्नै सरबंधत तनाऽ घट्ट करना ऐ जेह्दे कन्नै 17 फरवरी थमां शुरू होने आहले इस्तेहानें च आत्मविश्वास, संतुलन ते मानसिक तौरा पर मजबूत बनाना ऐ तां जे विद्यार्थी इस्तेहानें गी पेश करने च सक्षम बनी सकन। विद्यार्थी टोल फ्री नंबर 18001-18004 डायल करी सकदे न ते फौन उप्पर आकर्षित अवाज दे राहें हिंदी ते अंग्रेजी च 24 घंटे समर्थन हासल करी सकदे न।



Delhi Fire

दिल्ली दे आदर्श नगर च डी.एम.आर.सी क्वार्टर च इक ईमारत च अगग लगगने दी घटना च इक पति-पत्नी ते उन्दे 10 बरें दी बच्ची दी मौत होई गई ऐ। अगगू कन्नै सरबंधत मैहकमे नै दस्सेआ जे उनेंगी ईमारत दी 5मीं मंजन पर बडुलै 2 बज्जियै 39 मिनटें पर अगग लगगने दी घटना बारै इक फोन आया ते एह्दे पर तुरत कार्रवाई करदे होई साडुे त्रै बजे अगग पर काबू पाई लैता गेआ।



Dense Fog

मुल्ख दे मते सारे हिस्सें च घनी धुंध छाई दी होने करी केई सारी रेल गड्डिएं दी आवाजाई पर असर पेआ ऐ। भारती रेलवे मुजब 70 थमां बद्द दिल्ली आधारित रेल गड्डियां चिरे चला'रदियां न कीजे दूर तगर सेई चाल्ली नजरी नेई आवा'रदा ऐ। यात्रिएं गी सलाह दिती गई ऐ जे ओहू रेलवे स्टेशन जाने थमां पैहले अपनी रेल गड्डी दी ताजा स्थिति दी जानकारी लेई लैन तां जे कुसै बी चाल्ली दी परेशानी थमां बचेआ जाई सकै।



Dense Fog

मुल्ख दे मते सारे हिस्सें च घनी धुंध छाई दी होने करी केई सारी रेल गड्डिएं दी आवाजाई पर असर पेआ ऐ। भारती रेलवे मुजब 70 थमां बद्द दिल्ली आधारित रेल गड्डी दी ताजा स्थिति दी जानकारी लेई लैन तां जे कुसै बी चाल्ली दी परेशानी थमां बचेआ जाई सकै।



Badminton

भारती बैडमिंटन खडारी लक्ष्य सेन नै नमें सीजन दी खरी शुरूआत कीती ऐ ते मलेशिया दे कुआलांपुर च मलेशिया ओपन सुपर 750 बैडमिंटन टूर्नामेंट च सिंगापुर दे जिया हेंग जेसन पर जित्त हासल करदे होई मर्दे दे एक्कल प्रतियोगिता दे दुए दौर च पुज्जी गे न। लक्ष्य नै रोमांचक मुकाबले च तेह गी 21-

16, 15-21, 21-14 कन्नै मात दित्ती। उआं महिलाएं दे मुकाबले च मालविका बंसोद गी पैहले दौर च थाईलैंड दी 7मीं वरीयता प्राप्त खडारन इंटानन थमां 11-21, 11-21 दी हार दा सामना करना पेआ।

<><><><><><>